

PRAVILNIK

o radu „1. Festivala filmskog stvaralaštva mladih“

Član 1.

Idejni tvorc i osnivači „Festivala filmskog stvaralaštva mladih“ su: Javna ustanova Bosanski kulturni centar Tuzlanskog kantona Tuzla, Udruženje „Mladi Tuzle“ Tuzla, Pozorište mladih Tuzle, Srednja „Savremeno–umjetnička škola“ Tuzla i Una Storia Tuzla.

Organizatori „1. Festivala filmskog stvaralaštva mladih“ (u daljem tekstu: Festival) su: Javna ustanova Bosanski kulturni centar Tuzlanskog kantona Tuzla, Udruženje „Mladi Tuzle“ Tuzla, Pozorište mladih Tuzle, Srednja „Savremeno–umjetnička škola“ Tuzla i Una Storia Tuzla uz partnersku podršku JU Zavod za zaštitu i korištenje kulturno-historijskog i prirodnog naslijeđa Tuzlanskog kantona i Turističke zajednice Tuzlanskog kantona.

Član 2.

Festival se održava od 1. septembra do 31. oktobra 2025. godine. Centralna manifestacija sa prikazivanjem filmova, panel diskusijama i dodjelom nagrada planirana je od 27. do 31. oktobra 2025. godine u JU Bosanski kulturni centar Tuzlanskog kantona.

Član 3.

Službeni jezici Festivala su: bosanski, hrvatski i srpski.

Član 4.

Pravilnik o radu Festivala (u daljem tekstu: Pravilnik) donosi Organizacioni odbor Festivala.

Član 5.

Konkurs za prijavu na Festival je otvoren za sve autore i mentorske timove koji prihvataju uslove ovog Pravilnika. Filmovi se prijavljuju u jednoj od tri kategorije:

- **Kategorija I** – filmovi na zadatu temu učenika srednjih škola (*tema: Zdravlje*)
- **Kategorija II** – turistički film učenika osnovnih i srednjih škola (*tema: Kulturno naslijeđe mog kraja kao turistički potencijal*)
- **Kategorija III** – studentski i omladinski filmovi (*tema: slobodna*)

Član 6.

Učesnici mogu prijaviti najviše jedan film po kategoriji. Prijavljeni filmovi moraju biti realizovani nakon 1. januara 2024. godine i dostavljeni najkasnije do 20. oktobra 2025. godine do 23:30 sati.

Član 7.

Tehnički zahtjevi za sve kategorije su:

- Digitalni format MP4
- Minimalna rezolucija Full HD 1920x1080 piksela
- Trajanje filma:
 - Kategorija I – od 5 do 15 minuta
 - Kategorija II – od 5 do 20 minuta
 - Kategorija III – od 5 do 60 minuta

Član 8.

Filmovi se, uz propisani prijavni obrazac, dostavljaju putem Google Drive linka na e-mail adresu: **festival@bkctuzla.ba**.

Član 9.

Organizatori zadržavaju pravo emitovanja i arhiviranja svih pristiglih filmova, kao i korištenja dijelova filmova u promotivne svrhe Festivala.

Član 10.

Prijavni formular mora biti uredno i čitko popunjen. Podaci iz formulara koriste se za zvaničnu dokumentaciju i rad stručnog žirija.

Član 11.

Za učesnike u Kategoriji I organizuje se jednodnevna edukacija. Svim prijavljenim ekipama biće osigurana mentorska podrška tokom cijelog procesa stvaranja filmova.

Član 12.

Nagrade po kategorijama:

- **Kategorija I:**
 1. mjesto – 300,00 KM
 2. mjesto – 200,00 KM
 3. mjesto – 100,00 KM
- **Kategorija II:**
 1. mjesto – 300 KM
 2. mjesto – 200 KM
 3. mjesto – 100 KM
 - tri najbolja filma osnovnih i tri najbolja filma srednjih škola biće posebno nagrađena zahvalnicama (bez novčanih nagrada).

- **Kategorija III:**
Nagrada za najbolji film – 1000,00 KM

Član 13.

Sve škole učesnice, mentori i autori dobit će zahvalnice i uvjerenja o učešću u programu Festivala.

Član 14.

Selekciju i ocjenjivanje filmova vrši stručni žiri kojeg imenuje Organizacioni odbor. Biografije članova žirija biće dostupne kod Organizatora.

Član 15.

Organizatori zadržavaju pravo izmjena u sastavu žirija I nakon njegovog imenovanj u slučaju opravdanih razloga.

Član 16.

Organizator će objaviti katalog fillmova Festivala s osnovnim podacima prijavljenih filmova. Učesnici se odriču prava na naknadu za korištenje materijala u katalogu i promotivnim aktivnostima Festivala.

Član 17.

Učesnici su saglasni da Festival neće snositi odgovornost za eventualne povrede autorskih prava ukoliko se pokaže da prijavljeni materijali nisu originalni radovi autora.

Član 18.

Ministarstvo obrazovanja i nauke Tuzlanskog kantona donijelo je Odluku broj: 10/1-34-024632-1/25 kojom se daje saglasnost za učešće škola i učenika osnovnih i srednjih škola Tuzlanskog kantona u programima Festivala, a odluka je uvrštena u zvanične dokumente festival.

Član 19.

U slučaju nepredviđenih i vanrednih okolnosti, Organizator zadržava pravo izmjene termina i formata Festivala.

Član 20.

Ovaj Pravilnik stupa na snagu danom usvajanja od strane Organizacionog odbora Festivala. Pravilnik će biti objavljen na zvaničnoj web stranici Organizatora: www.bkctuzla.ba/ffsm

U Tuzli, 1.9.2025. godine